

**SPORTSKO RIBOLOVNI SAVEZ
BOSNE I HERCEGOVINE**

Ulica, Ive Andrića 4.

71123 ISTOČNO SARAJEVO

E-mail: srsbihk@gmail.com

Facebook: RIBOLOVNI SAVEZ BiH

WEB SITE: srsbih.com/web



**СПОРТСКО РИБОЛОВНИ САВЕЗ
БОСНЕ И ХЕРЦЕГОВИНЕ**

Улица, Иве Андрића 4.

71123 ИСТОЧНО САРАЈЕВО

E-mail: srsbihk@gmail.com

Facebook: RIBOLOVNI SAVEZ BiH

WEB SITE: www.srsbih.com/web

SPORTS FISHING ASSOCIATION OF BOSNIA AND HERZEGOVINA

TeL: 00387 61 217 870 , Tel/ Fax: ++387 33 485-719 Ž.R. 1610000012560056 Raiffeisen bank BiH
ID = 4200830340002

Broj:01-073/14

USVOJENO NA UO SRS BiH 15.02.2014

P R A V I L N I K

O SPORTSKO RIBOLOVNIM TAKMIČENJIMA RIBOLOVACA SA POSEBNIM POTREBAMA - invalidne osobe

Sarajevo,03.januar/siječanj 2014.god.

Na osnovu člana **32.17.** Statuta sportsko ribolovnog saveza Bosne i Hercegovine, Upravni odbor na prijedlog Takmičarske komisije, temeljen prema Pravilima F.I.P.S.e.d, na sjednici održanoj dana 15.02.2014. godine donosi:

P R A V I L N I K

O SPORTSKO- RIBOLOVNIM TAKMIČENJIMA TAKMIČARA SA POSEBNIM POTREBAMA-invalidne osobe

Član 1.

Ovim Pravilnikom reguliše se sistem i organizacija takmičenja za disciplinu: „**LOV RIBE UDICOM NA PLOVAK**“, za službena takmičenja takmičara osoba sa **posebnim potrebama (invalidne osobe)** za lige SRS BiH i KUP takmičenja u skladu sa pravilima međunarodne sportsko ribolovne asocijacije FIPS-ed i dopunjenim pravilima donesenim 2013. godine.na Kongresu FIPS-ed u Portugalu.

Član 2.

Pravilnikom su obrađeni:

1. **Odabir i uređenje takmičarske staze**
2. **SISTEM SRT za invalidne osobe u SRS BiH**
3. **Opšta Pravila takmičenja**
4. **Pribor za takmičenje, primama i ponašanje učesnika takmičenja**
5. **Priprema za takmičenje i izvođenje takmičenja.**
6. **Službene osobe na takmičenju**
7. **Suđenje na takmičenju**
8. **Obračun rezultata**
9. **Kazne na takmičenju**
10. **Proglašavanje rezultata**
11. **Formiranje reprezentacije SRS BiH**
12. **Prelazne i završne odredbe**

1. ODABIR I UREĐENJE TAKMIČARSKE STAZE

Član 3.

Takmičenje se može organizovati na vodama, kao što su: rijeke, kanali, potoci ili odgovarajuće vodene površine, kao što je jezero ili slično. Ako je ikako moguće, mora biti omogućeno lovljenje ribe po cijeloj dužini prostora za takmičenje, takmičarske staze.

Član 4.

Izabrana takmičarska staza, odnosno sektor treba po mogućnosti biti u pravoj liniji, bez praznih mjesta i prekida unutar sektora. Minimalna širina takmičarske vode je 25 metara , a dubina bi, po mogućnosti, cijelom dužinom takmičarske staze trebala biti podjednaka, i treba iznositi 1,0 metar Treba izbjegavati veće uvale i rtove,te obezbjediti približno jednake uslove po pitanju visine obale, konfiguracije terena, površine startnog mjesta , dubine vode u sektoru sa maksimalnim odstupanjem 40 % . **Napomena:** Za međunarodna prvenstva dubina vode mora biti min. 1,5 metara a širina staze(vode) min. 40 metara.

Član 5.

Na izabranoj takmičarskoj stazi mora biti zabranjen ribolov (trening) najmanje 16 sati prije početka zvaničnog takmičenja. Obavezan pregled takmičarske staze prije početka takmičenja vrši Glavnini sudija, a svoju ocjenu o stanju staze objavljuje prije početka žrijebanja svim takmičarima , odnosno ekipama.

Član 6.

Obala mora biti što ravnija, radi pristupa kolicima i trebala bi imati jednake uslove za sve takmičare i njihove pomoćnike-asistente, čak šta više obala, lovno mjesto, treba omogućiti takmičarima da stoje u pravoj liniji, izbjegavajući sve moguće prepreke, kao što su električni vodovi, mostovi i slično. Najstrožije je zabranjeno postavljati takmičarske staze na mjesta udaljena manje od 25 metara sa obje strane od električnih vodova, dalekovoda, transformatora ili ispod mostova.

Član 7.

Za vrijeme takmičenja, za svakog takmičara mora biti osiguran prostor za takmičenje (ring, box) od najmanje 10 metara (izuzetno na stajaćim vodama min.8 metara), a najviše 12 metara. Točne dimenzije prostora za takmičenje (ringa, kruga, boxa) dogovorit će Komesar-sekretar takmičenja zajedno sa domaćinom takmičenja. Prostor za takmičenje svakog takmičara (ring) odvojiti će se neutralnom zonom od maksimalno 1 metar sa obje strane lijevo i desno (prostor može biti smanjen ili čak izostavljen o čemu odluku donosi vrhovni sudija uz konsultacije sa delegatom i komesarom takmičenja, a sve u vremenu prije službenog pregleda staze).

Kod organizacije međunarodnih takmičenja, svaki prostor za takmičenje (box) mora biti dobro označen i uređen tako da je odvojen od gledatelja; za to se može upotrijebiti ograda ili se prostor može označiti konopcima, trakama, na odgovarajućoj udaljenosti od obale, a preporuka je 10 metara. Isto tako, mora se osigurati odvojeni prolaz koji će upotrebljavati službene osobe i taj prolaz mora biti obilježen, između takmičara i gledatelja

Samo lični pomagač-asistent i vođa ekipe-timski menadžer, trener (Team manager) ili, ovisno o takmičarskoj stazi dvije ovlaštene osobe iz pojedine ekipe imaju pravo ulaska u prostor za takmičenje (ring) člana svoje ekipe. Kao vidljivu oznaku za identifikaciju, vođa ekipe ili trener mora obavezno imati i nositi odgovarajuću oznaku ili akreditaciju.

Kod svih rangova takmičenja, svako startno mjesto organizator takmičenja – domaćin, mora obilježiti najmanje 1 sat prije početka žrijebanja.

Član 8

Startna mjesta moraju biti jasno označena i obilježavaju se u jednom sektoru od 1 do «N» u zavisnosti od broja takmičara u tom sektoru i postavljaju se na tekućim vodama **uzvodno** od broja jedan (1) u sektoru, a na stajaćim vodama (jezerima) **desno** od broja 1 u sektoru u smjeru kazaljke na satu.

Član 9.

Kod ekipnog takmičenja PRVA LIGA i KUP SRS BiH, radi što ravnomjernijeg rasporeda takmičara određuju se sektori (broj sektora je isti kao i broj članova ekipe), tako da u svakom sektoru bude samo po jedan član iz svake ekipe. Sektori se obilježavaju slovima **A, B, C, D**, i moraju na početku i na kraju svakog sektora biti propisane table kojim je označen početak i kraj sektora. Startna mjesta u sektoru mogu biti označena istim brojevima 1 do «N».

2.) SISTEM SPORTSKO-RIBOLOVNIH TAKMIČENJA ZA INVALIDNE OSOBE

2.1 ORGANIZACIJA PREMIJER LIGE SRS BiH

Član 10.

Premijer liga u „Ulovu ribe udicom na plovak“ je pojedinačno takmičenje sportskih ribolovaca i do zaživljavanja entitetskih prvenstava se provodi kao **otvoreno prvenstvo SRS BiH za invalidna lica**. U okviru Premijer lige starosne granice po kategorijama takmičara važe kao i za ostala za takmičenja u ulovu ribe na plovak:

Premijer **Liga broji najmanje 9 pojedinaca**, i ako se Komesaru prijavi manji broj takmičara od utvrđenog ovim Pravilnikom, Liga će se održati kao „Otvoreno prvenstvo BiH“ sa samo 2. Kola takmičenja. Iz Premijer lige ispada 5 takmičara, a ligu popunjavaju 2 takmičara iz Entitetskih saveza i 1 takmičar iz saveza Distrikta Brčko.

Član 11.

Premijer liga SRS BiH organizuje se načelno u najmanje dva kruga sa po dva kola (subota-nedjelja), uz pravo Takmičarske komisije da dograđuje svake godine i poboljšava sistem takmičenja. Promjene termina takmičenja ili eventualnu odgodu takmičenja iz opravdanih razloga može samo vršiti TK SRS BiH uz konzultacije sa domaćinom i Komesarom lige, a što se mora odmah objaviti na WEB SITE SRS BiH, a E-mailom i pismenim putem obavijestiti takmičare.

2.2. ORGANIZACIJA PRVE LIGE SRS BiH

Član 12.

Ova Liga nije formirana zbog malog broja klubova ali čim se formira, provodit će se na način:

Prva liga u ulovu ribe na plovak je ekipno takmičenje. Ekipu sačinjavaju 4 takmičara + 1 rezerva. Prva liga SRS BiH organizuje se u dva kruga sa po dva kola (subota / nedjelja) ili kako to odluči TK SRS BiH u cilju što kvalitetnije pripreme ekipe za odlazak na Svjetsko prvenstvo.. Promjene termina takmičenja ili eventualnu odgodu takmičenja iz opravdanih razloga može samo vršiti TK SRS BiH uz konzultacije sa domaćinom, a što se mora odmah objaviti na WEB SITE SRS BiH, a E-mailom i pismenim putem obavijestiti sva SRD učesnike PRVE LIGE SRS BiH.

Član 13.

Sva društva/ klubovi SRD članice prve lige SRS BiH dužni su poslati svoju prijavu, a provjere tačnosti podataka na licu mjesta vrše Komesar lige i Delegat takmičenja.

Svaki klub- SRD koji se takmiči u Prvoj ligi mora imati minimum od **11** „HENDIKEP“ bodova u skladu sa tabelom:

- 7 bodova** - takmičar koji je slijep,
- 6 bodova** - takmičar sa jednom rukom koju ne može koristiti ,(obavezan medicinski nalaz o invaliditetu),
 - takmičar sa parcijalnom amputacijom jedne ruke u kojoj su pokretljivost i mišićna snaga
 - Potpuno odsutni (obavezan medicinski nalaz o invaliditetu),
- 5 bodova** - takmičar sa parcijalnom amputacijom ruke ali sa dijelom kojeg može koristiti,
 - takmičar koji djelimično može koristiti ruke (obavezan medicinski nalaz o invaliditetu),
- 4 boda** - takmičar u invalidskim kolicima koji ne može pecati van kolica ,a ima u potpunosti upotrebljive ruke,
- 3 boda** - takmičar sa jednom ili obe noge koje ne može pomjerati i nema mišićne snage (obavezan medicinski nalaz o invaliditetu),
 - takmičar koji ne može ustati bez dodatnih pomagala ali čije su grudi i ruke potpuno pokretni(obavezan medicinski nalaz o invaliditetu)
- 2 boda** - takmičar u invalidskim kolicima koji može da peca van kolica a čije su grudi i ruke potpuno pokretni,
 - takmičar bez jedne noge,
 - takmičari nepokretnih nogu ali koji se mogu kretati bez dodatne opreme i kolica
- 1 bod** - takmičar koji ima vidljiv fizički invaliditet (obavezan medicinski nalaz o invaliditetu),
 - takmičar koji ima nevidljiv invaliditet sa procentom invalidnosti od najmanje 70 % (obavezan medicinski nalaz o invaliditetu).

Samo jedan učesnik koji ima **1 ili 2 hendikep boda** može biti u timu.

Svaki takmičar mora imati najmanje 1 hendikep bod uključujući i rezervu.

Spisak prijavljenih članova ekipe-tima mora sadržavati i broj „ Hendikep „ bodova za svakog takmičara.

Gluhi ili nijemi učesnik ne može se smatrati kao osoba sa invaliditetom u ribarenju.

Neće se dozvoliti nastup ekipi koja nije kompletna ili ima manje od **11** „Hendikep“ bodova.

2.3. ORGANIZACIJA KUPA SRS BIH

Član 14.

Svake godine načelno u drugoj suboti i nedjelji, mjeseca jula (srpnja) za sve kategorije organizuje se KUP SRS BiH u ulovu ribe na plovak za invalidne osobe, ako je to Kalendarom takmičenja SRS BiH propisano za tekuću godinu.

Član 15.

Pravo nastupa na KUP-u SRS BiH u ulovu ribe na plovak imaju klubovi-ekipe svih sportsko- ribolovnih društva iz Bosne i Hercegovine. KUP se smatra za otvorenim ekipnim prvenstvom Bosne i Hercegovine i nije ograničen brojem ekipa koje imaju pravo nastupa.

Član 16.

KUP SRS BiH je ekipno takmičenje za sve kategorije u kom nastupaju ekipe sa po četiri takmičara i jednom rezervom. Veća društva preko 500 članova mogu prijaviti po dvije ekipe.

Takmičenje se provodi dva dana (po jedno kolo) i traje 3 sata., a može trajati i jedan dan ,(jedno kolo), ako to odluči domaćin ili TK SRS BiH o čemu se moraju obavijestiti sva SRD ,najmanje mjesec dana prije početka takmičenja.

Član 17.

Takmičiti se u tekućoj godini ne može ekipa, čije društvo prema entitetskom savezu ili savezu DB,za prethodnu godinu nije izmirilo obaveze po pitanju članarine.

3.) OPŠTA PRAVILA TAKMIČENJA – ZA POJEDINCE I EKIPE

3.1. SASTANAK VOĐA – KAPITENA - TRENERA EKIPA

Član 18.

Sastanak kapitena ekipa na takmičenjima održava se u predvečerje takmičenja, (ako je obavezan službeni trening) a u drugim slučajevima prije izvlačenja startnih brojeva. Njime rukovodi Glavni sudija uz obavezno prisustvo delegata, Komesara/ sekretara takmičenja, predstavnika domaćina i svih kapetana ekipa.

Sastanak ima informativni karakter i na njemu se vrši prozivanje ekipa i pojedinaca, bira žiri takmičenja od 5 članova, vrši pojašnjavanje propozicija, te vrši redosljed izvlačenja sektora za takmičare. U slučaju ne prisustvovanja kapitena neke ekipe iz bilo kojih razloga, izvlačenje će u njegovo ime izvršiti delegat ili ovlašteni predstavnik ekipe, pod uslovom da je ekipa ili takmičar došao na takmičenje.

Na sastanku se analizira satnica takmičenja i zahtijeva njeno striktno pridržavanje od strane svih učesnika takmičenja. Svim zainteresovanim, učesnicima predstojećeg takmičenja na prikladan način omogućiti uvid u satnice, dodatna pravila takmičenja, a svim učesnicima i ostale podatke vezane za takmičenje koji su relevantni i trebaju pojedincima i ekipama.

Svim takmičarima i vođama ekipa se po mogućnosti daje satnica takmičenja u pismenom obliku u kojoj su navedeni načini i tehnika lova, ograničenja ulova pojedinih vrsta ribe, mjesto otvaranja takmičenja, mjesto proglašenja rezultata i drugi važni oodaci za ekipu i takmičara.

3.2 . IZVLAČENJE STARTNIH BROJEVA

Član 19.

Izvlačenje startnih brojeva vrši se najmanje 180 minuta prije početka takmičenja u prisutnosti takmičara , kapitena ekipa, ako je ekipno takmičenje, Glavnog sudije, delegata i Komesara /sekretara takmičenja.

Žiri ima zadatak da izvrši popunjavanje određenih obrazaca i formulara koji će ukazivati koja i kakva se vrsta pomoći može pružiti takmičarima u odnosu na tjelesna oštećenja i priznate hendikep bodove. Obrasci - instrukcije pomoćnicima se moraju popunjavati u prisustvu takmičara i njihovih pomoćnika.

Član 20.

Prije početka izvlačenja startnih brojeva, sekretar takmičenja uz pomoć Delegata, dužan je izvršiti provjeru prijavljenih ekipa, kao i identitet članova ekipe i pojedinaca.

Eventualne promjene u sastavu ekipa, kapiten ekipe dužan je objaviti najkasnije kod provjere iz prethodnog stava. Prvo se žrijeba redosljed izvlačenja, zatim sektori i na kraju startni brojevi.

Kod ekipnih takmičenja, prilikom ždrijebanja ekipe se ne raspoređuju ravnomjerno (svi isti broj) nego se umjesto žrijebanja za svaki sektor posebno, raspored pravi pripremljenom kombinacijom za ekipe, te jednim izvlačenjem dobiju startni brojevi za cijelu ekipu koji obezbjeđuju ujednačen raspored, kao i to da jedna ekipa ne može imati više prvih ili posljednjih startnih mjesta u sektorima, koji mogu biti i odvojeni. Kod takmičenja u više kola, obezbjeđiti da prava prvog i posljednjeg startnog mjesta imaju sve ekipe ili pojedinci sve dok ima onih koji to pravo nisu iskoristili.

U slučaju da se takmičenje odvija u dva kola (subota i nedjelja) važi isti princip, s tim da će se izvlačenje za drugi dan izvesti obrnutim redoslijedom izvlačenja.

U slučaju da svi sektori nisu jednako popunjeni zbog nekompletnosti ekipa ili učešća pojedinaca, onda sudije njima dirigovano određuju mjesta načelno u sredini, vodeći računa da sektor **A** mora biti popunjen, a razlika u broju takmičara u sektorima ne bude veća od 1.

4.) PRIBOR PRIMAMA I PONAŠANJE UČESNIKA TAKMIČENJA

Član 21.

Takmičenje se obavlja slijedećim priborom:

1. Štap slobodnog izbora sa ograničenjem na najveću dužinu kako slijedi:
Najveća dozvoljena dužina štapova je:

a) Za invalide **11,5 metara**

Provjera dužine se može izvršiti u vrijeme pripreme, kod kontrole pribora i hrane ili u bilo koje vrijeme tokom takmičenja. U slučaju veće dužine takmičar se diskvalifikuje.

Svaki takmičar može pri ruci imati neograničen broj štapova, ali tokom takmičenja smije loviti samo sa jednim.

1. Konac-najlon je slobodnog izbora
2. Plovak-slobodnog izbora, pričvršćen na koncu ili takozvani klizeći plovak,
3. Udica - jedna jednokuka slobodnog izbora

Sistem mora biti tako montiran da osnovno olovo ne smije leći na dno i time spriječiti da plovak slijedi vodenu struju. Opterećenje ne smije preći nosivost plovka. Dozvoljena težina olova koje može da leži na dnu je max. 10% od težine osnovnog olova.

4. Mrežu čuvaricu –prečnika min. 40 cm, najmanje dužine 3 m, koja za vrijeme takmičenja treba ležati što više u vodi. Mreže se stavljaju u vodu u toku pripreme a nakon kontrole pribora i odobrenja sektorskog sudije. Ribe se moraju držati žive u čuvarici
5. Meredov slobodnog izbora koji može koristiti samo takmičar i pomoćnik ako mu je dozvoljeno FIPS-ed pravilima.

Član 22.

Svaki takmičar će imati 120 minuta za pripremu. Po dolasku na startno mjesto, na koje može doći vlastitim prijevozom, polože svoje stvari u dodijeljeni box bez ulaska u isti. Ovo pravilo se odnosi i na pomoćnike - osobe koje pomažu takmičaru i drugi koji nose pribor i opremu. Nije dozvoljeno pripremati ništa sve dok se ne označi oficijelni start, koji znači da takmičar može ući u startno mjesto-box. Tokom vršenja priprema za takmičenje, takmičaru može pomagati pomoćnik - osoba iz njegovog tima, koja mora biti prijavljena za taj zadatak u za to određenom obrascu. Sav materijal će biti prosljeđen takmičaru do početka kontrole hrane i pribora, ali samo kroz pomoć lica zaduženog za isto.

Poslije signala za kontrolu hrane i pribora, strogo je zabranjeno vršiti snadbijevanje takmičara bilo kakvom vrstom mamaca, kao i ostalom opremom za takmičenje, osim dostavljanja zamjene za polomljene i oštećene dijelove opreme, koji mogu biti samo zamijenjeni kroz angažman lica predviđenog za to uz prethodno odobrenje sektorskog sudije.

Član 23.

Na takmičenju hendikepiranih lica, može biti određeno samo jedno lice za pomoć takmičaru i glavni pomagač za svaki sektor. Ti lični pomoćnici, kao i glavni pomoćnik za svaki sektor moraju potpuno vladati pravilima, to jest, nepoznavanje pravila, nikog od učesnika SRT, ne oslobađa odgovornosti.

Član 24.

Lični pomagači tokom cijele pripreme i takmičenja mogu pružati pomoć i obavljati druge radnje, ali samo one koje su im odobrene listom dozvoljenih radnji a na osnovu „Hendikep“ bodova takmičara kojem pomažu.

Član 25.

Hrana za primamljivanje treba da se sastoji samo od prirodnih supstanci. Isto važi za eventualna sredstva za opterećivanje (kamen, pijesak, zemlja). Upotreba svih vrsta košarica i mrežica za ulagnje hrane zabranjena je bez obzira na vrstu materijal od kojeg je napravljena. Samo rukom je dozvoljeno formirati kugle hrane.

Ukupna dozvoljena količina navlažene hrane je 17 litara uključujući dodatke (zemlja, šljunak, kukuruz, pšenica, konoplja i dr.)

Ukupna dozvoljena količina živih mamaca je 2,5 litara od čega najviše 1 lit. fuja i ver de vasa zajedno. Poslije kontrole hrane (koja slijedi cca nakon 1/3 vremena za pripremu) višak hrane (preko 10% se kažnjava diskvalifikacijom) se odstranjuje izvan startnog mjesta i ne toleriše se naknadno uzimanje i dodavanje.

Treneri i pomoćnici mogu pripremati hranu takmičarima van boxa do vremena predviđenog za kontrolu. Hrana se kontroliše u rastresitom stanju navlažena i prosijana. Kugla se smije praviti tek poslije kontrole. Mamci se mogu miješati sa hranom tek poslije kontrole. Kontrolu sprovodi obavezno sektorski sudija, ili još jedan član koga odredi Glavni sudija.

Organizator može ograničiti količinu hrane za primamljivanje, uz saglasnost selektora i trenera reprezentacije, ali to mora objaviti najmanje 15 dana prije početka takmičenja WEBSITE SRS BiH ili pozivima upućenim takmičarima i ekipama. Ukoliko takmičar pripremi manje hrane (napr 10 lit) ima pravo zadržati u boxu, kao rezervu, još onoliko hrane koja će poslije vlaženja dopuniti razliku do 17 litara(napr. 2,5 lit suhe hrane) i koju smije pripremati u toku takmičenja.

Tokom kontrole hrana i mamci moraju biti predstavljeni i pokazani u za to određenim posudama (kutijama) koje su baždarene i određene kroz službene dimenzije.

Takmičari su obavezni da sami nabave i kutije, posude koje su baždarene za mamce, prave veličine, osim ako iste svi takmičari nisu dobili od organizatora takmičenja.

Član 26.

Za lov ribe udicom na plovak dozvoljena je upotreba svih prirodnih mamaca, osim:

- varalica (binker) živih i mrtvih ribica, ikre, kruha, vještačkih mamaca, i mitacije crva, ver de vas gliste vještačkih mušice i slično.
- Zabranjeni su : ribolov na dnu sa ili bez olova, i špinjanje povlačenje.
- Zabranjen je lov s namjerom takmičara da ribu zakači za tijelo (raubovanje). Riba slučajno zakačena na drugo mjesto, a ne ustima , broji se kao ulov.
- Takmičar koji na vagu donese teško oštećenu ribu biti će kažnjen sa žutim kartonom.

Član 27.

Prostor svog startnog mjesta takmičar može koristiti po sopstvenoj volji, da se kreće, da stoji, kleči ili sjedi, ne ometajući pri tome susjedne takmičare bukom, glasnim komentarisanjem, kretanjem ili slično. U neutralnu zonu (ako je postavljena) koja se nalazi lijevo i desno od njegovog startnog mjesta ne smije ulaziti niti u njoj hraniti niti loviti ribu.

Riba koja se pokazala na površini a uhvaćena u neutralnoj zoni ili u susjednom takmičarskom mjestu kada je ustanovljen i dosuđen fish out neće biti bodovana nego se mora vratiti u vodu . U slučaju da takmičar ovo odbije i stavi ribu u svoju mrežicu dobit će žuti karton, a ulovljena najveća riba iz njegove mrežice će se posebno izvagati i dobijena vrijednost oduzeti od ukupnog ulova tog takmičara.

S dopuštanjem oba takmičara i sudije, neutralnu zonu mogu koristiti fotografi i kamermani, s tim da njihovo vrijeme boravka u istoj ne može biti duže od 15 minuta.

Ako nema neutralne zone, onda sva ograničenja važe za startno mjesto susjednih takmičara, s tim da fotografi i kamermani, poslije odobrenja, smiju ući u box i prići najbliže 2 metra do takmičara (radi ometanja takmičara).

Za vrijeme takmičenja takmičaru se zabranjuje ulazak u vodu osim da dohvati puknuti dio štapa.

Također je zabranjeno bacanje ostataka hrane i mamaca u vodu nakon završenog takmičenja i treninga.

Član 28.

Mreža za čuvanje ribe mora biti tako postavljena da je sudije mogu vidjeti. Riba u njoj mora se držati živa, sve do dolaska ekipe za vaganje. Nije dozvoljeno koristiti mrežu u koju riba može ulaziti sama.

Član 29.

Za korištenje nedozvoljenog pribora, posebno otežanja olovom, ili korištenja indikatora ulova pričvršćenih na najlon), puštanja plovka da leži i nakon opomene, Glavni sudijja na prijedlog sektorskog sudije mora obavezno izreći diskvalifikaciju odnosno dodijeliti crveni karton takmičaru.

Član 30.

Takmičari moraju poštivati minimalne mjere ulova propisane Zakonom o slatkovodnom ribarstvu entiteta ili DB, na čijoj se teritoriji održava takmičenje, te veličine i eventualna odstupanja moraju biti određeni tokom sastanaka, vođa ekipa ili naznačena u satnici koja se objavljuje na WEB SITE SRS BiH prije samog takmičenja. Svaki takmičar koji povrijedi ribu prilikom vaganja biti će za to kažnjen žutim kartonom.

Član 31.

U lovu sa ŠTEK-štapom sistem se može štopati neograničeno a u slučaju sumnje lova na dno sudija naređuje provjeru da bi se ustanovilo da li plovak slijedi vodenu struju. Provjera se vrši odmah i takmičar ništa ne smije mijenjati na sistemu, jer u suprotnom slijedi diskvalifikacija.

Član 32.

Uhvaćena riba je valjana čak i ako je slučajno zakačena van usta. Hvatanje i vađenje ribe neugodnog mirisa je zabranjeno. Posjedovanje i korištenje eho sonara je zabranjeno.

Član 33.

Osim pomagača i treneri imaju pravo i ovlašteni su da pristupe kod takmičara svog tima da bi mu dali savjete. Istovremeno, samo jedan, vođa ekipe (kapetan) ili trener, može biti u startnom mjestu (boxu) svog takmičara. Vođa ekipe (kapetanu) nije dozvoljeno da ulazi u startno mjesto takmičara koji nije član njegove ekipa.

Član 34.

Platforme najvećih dimenzija 1x1 m su dozvoljene da bi takmičar stajao ili sjedio na istim. One moraju biti postavljene u pravoj liniji, van vode, a ako je neophodno samo djelimično u vodi (ovu odluku na zahtjev, donosi Žiri na samom takmičenju). Dodatne platforme mogu biti postavljene u pravoj liniji sa glavnom platformom, od montažnog materijala, tako da kasnije ista može biti uklonjena sa staze. U slučaju da ima potrebe da se izvrši poravnanje površine za sve takmičare, duž mjesta takmičenja, tako da bi svi imali jednake uslove takmičenja (bili svi na istoj udaljenosti od vode) isto će biti urađeno i završeno prije no što starta trening za takmičare.

5) PRIPREMA ZA TAKMIČENJE I IZVOĐENJE TAKMIČENJA

Član 35.

TRENING

Zvanični trening se mora održati na mjestu održavanja takmičenja. Ako je takmičenje u dva kola subota i nedjelja, trening se održava u petak prema utvrđenoj satnici koja je ranije objavljena. Domaćin je obavezan da svim takmičarima omogući trening na stazi za takmičenje. Na svim takmičenjima, za pripremu, takmičar mora imati na raspolaganju 60 minuta, a najviše 120 minuta. Ako se svim takmičarima obezbijede platforme onda se na ovo vrijeme dodaje i vrijeme potrebno za njihovo montiranje i postavljanje.

Zvanično mjesto treninga treba da omogući slijedeće:

1.) Staza za takmičenje mora biti zatvorena za slobodan lov tokom treninga i takmičenja, također 50 metara uzvodno i nizvodno od takmičarske staze ne smije se loviti (uključujući i suprotne obale ako se radi o rijekama i kanalima),

TIJEK TAKMIČENJA

Član 36.

Takmičenje za Invalidna lica traje 3 sata a tehnika lova je po slobodnom izboru svake ekipe ili pojedinca, u koliko to nije posebno odredio selektor ili trener reprezentacije, po Pravilniku.

PRVI SIGNAL se daje kada i posljednji takmičar stigne do svog startnog mjesta, na domaćim takmičenjima, i on označava početak pripreme, a daje ga Vrhovni sudija pištaljkom ili megafonom ili sl. Signal je kratak i za sve je mjerodavan početak starta. Poslije ovog signala je dozvoljen ulazak na startno mjesto i takmičar može da počne sa montiranjem pribora, pripremom hrane i mamaca, postavljanjem mreže čuvarice, mjerenjem dubine, čišćenjem terena i drugim pripremanjima.

Za mjerenje dubine i hranjenje nije dozvoljeno koristiti duži štap od dozvoljenog.

Dva lica načelno (sudija i pomagač) imaju pravo pomoći takmičaru samo u slučaju zaštekavanja i loma pribora a svu pomoć pruža pomagač u okviru dozvoljenih radnji.

Takmičar sve mora pripremati sam bez pomoći sa strane sa izuzetkom pomoći kod pripreme hrane van boxa od strane pomoćnika do vremena za kontrolu hrane i pribora (osim takmičara kojima je dozvoljena pomoć).

Pribor u kome takmičar priprema hranu ne smije se u toku pripreme prati u vodi u kojoj se odvija takmičenje, niti takmičar smije gaziti po vodi u okviru startnog mjesta.

Dozvoljena je pomoć trenera ili pomagača za posebno namještanje platforme i stolice (radi sigurnosti) pogotovo, ako je teren klizav, strm, kamenit ili slično .

DRUGI SIGNAL se daje 5 minuta prije početka kontrole mamaca i hrane za primamu. Kontrola mamaca i hrane za primamu uvijek počinje od startnog broja 1 u svakom sektoru i to 1 sat i 10 minuta prije primamljivanja (obilnom) teškom hranom.

TREĆI SIGNAL Nakon trećeg signala takmičarima je dozvoljeno da počnu sa obilnim prihranjivanjem, zašto im je dozvoljeno 10 minuta. U okviru tih 10 minuta, takmičarima je dozvoljeno da namamljuju ribu većim količinama hrane, tako da se oblikuju veće grudve (isključivo rukom)kugle-lopte i takve bacaju na željeno mjesto u svom prostoru za ribolov. Da bi se tako pripremljena hrana što duže zadržala na željenom mjestu, dopuštena je upotreba otežavajućih sredstava (kamen, pijesak, zemlja,), ali nije dopušteno ulaganje u mrežice ili košarice, bez obzira na vrstu materijala.

Nakon isteka vremena za prihranu (10 minuta) preostale kugle teške hrane se moraju rasformirati što će provjeriti sudija.

Također nije dopuštena upotreba signala ili biljega koji bi obilježavao mjesto na kome je hrana.

Takmičar ima pravo zabaciti štap sa sistemom bez mamaca radi preciznog hranjenja rukom ili pračkom na mjesto lova sa svakom tehnikom, to jest na različitim daljinama.

ČETVRTI SIGNAL označava početak takmičenja. Nakon četvrtog signala dozvoljeno je prihranjivanje samo laganom hranom koja se formira isključivo jednom rukom, odnosno samo uz pomoć druge ruke prilikom upotrebe pračke ili lijepljenih crva. Kod formiranja kugli jednom rukom ne smije se pritiskati hrana uz kantu, bok ili slično. Kugle za laganu prihranu ne smiju biti formirane prije (4. signala) početka takmičenja.

PETI SIGNAL se daje pet minuta prije završetka takmičenja kao upozorenje da je takmičenje pri kraju.

ŠESTI SIGNAL označava kraj takmičenja. Nakon tog signala takmičari su dužni da prekinu sa ribolovom i da izvade pribor iz vode. Riba izvađena nakon ovog signala se ne boduje i vraća se u vodu osim ako je upecana riba u momentu sviranja kraja u potpunosti bila izvan vode.

Član 37.

VAGANJE RIBE - ULOVA

VAGANJE mjerenje ulova je vrlo bitna faza sportsko ribolovnih takmičenja, te je obaveza domaćina i organizatora da obezbijede dovoljan broj vaga (najmanje jedna vaga za jedan sektor na državnim takmičenjima plus jedna rezerva vaga. U pravilu jednom vagom mora biti izvagan cijeli jedan sektor. Ako je takmičenje do 35 takmičara vaganje se obavlja jednom vagom za sve takmičare na stazi. Za veći broj do 50 takmičara obavezne su dvije vage od kojih jedna vaga 3 a druga 2 sektora. U tu svrhu

prije početka takmičenja Vrhovni sudija imenuje ekipu za vaganje koja broji 3 člana od čega je jedan Sektorski sudija iz sektora koji se vaga.

Sam postupak vaganja se obavlja vrlo pažljivo, ali organizovano tako da se vaga postavlja između 2 startna mjesta. Takmičari donose svoje čuvarice i uz pomoć **vagara** istresaju ribu u mrežu za vaganje, koja je ranije tarirana pa se nakon potpunog umirenja očitava i glasno saopštava težina ulova, što sektorski sudija evidentira u startni list takmičara. Sudija daje takmičaru startni list na potpis, nakon čega se riba u čuvarici takmičara ponovo vraća uvodu i čeka završetak vaganja za cijeli sektor. Ako nakon vaganja ulova za sve takmičare u sektoru nema primjedbi riba se na glasno odobrenje sektorskog sudije pušta u vodu. Kada je vaganje ulova za sve takmičare u sektoru završeno, potpisom ovjerene startne liste, sektorski sudija lično ili po nekom startnom sudiji šalje hitno sekretaru takmičenja koji kontroliše ispravnost startnih lista i unosi podatke u Dnevnik takmičenja (ili računar) radi obračuna plasmana. Podaci u startnom listu ne smiju biti križani i bez potpisa. Svaka nula se obilježava prekrštenom crtom da ne bude zabune koji je to broj.

Član 38.

Sva službena takmičenja traju tri sata, bez prekida. Izuzetno u slučaju jake elementarne nepogode takmičenje se može prekinuti u trajanju od najviše 60 minuta. Ukoliko se i nakon tog vremena ne mogu osigurati uslovi za normalan nastavak takmičenja, postignuti rezultati se obračunavaju, ako je prošlo najmanje 90 minuta takmičenja, a u protivnom takmičenje se odgađa i ponavlja. Posebnu pažnju sudije treba da obrate u slučaju nevremena sa grmljavinom, da zbog upotrebe grafitnih štapova koji su dobri provodnici električne energije odmah prekinu takmičenje, nareda odlaganje štapova i napuštanje takmičarske staze dok nevrijeme ne prođe.

6) SLUŽBENE OSOBE NA TAKMIČENJU

Član 39.

Ostali organi takmičenja organizuju se konkretno, kako to propisuju Pravilnici za tu disciplinu, a odnose se na formiranje prije takmičenja i toku takmičenja: Sudijskog kolegija, Žirija takmičenja, Forum lige, selektora reprezentacije, a kako je to propisano Pravilnicima za konkretnu disciplinu.

FORUM LIGE je savjetodavno tijelo, koje biraju članovi lige, sastavljeno od Komesara, selektora i nekoliko takmičara, koje nastupa u ime lige, sa prijedlozima za što bolje provođenje takmičenja, i nastupa reprezentacije na međunarodnim takmičenjima. Može ga imati svaka takmičarska liga, te može podržati, dati prijedlog i mišljenje, oko imenovanja komesar lige, selektora i menadžera, preko TK.

Član 40.

Službene osobe na takmičenju, imenuje Takmičarska komisija SRS BiH uz puno poštovanje sudijskih rangova i iskazanih kvaliteta, to su:

- Delegata u ime SRS BiH (imenuje Upravni odbor SRS BiH) na prijedlog TK SRS BiH
- Glavnog sudiju imenuje Sudijska SRS BiH ili TK SRS BiH i u koliko ima više kategorija takmičara za svaku se određuje po jedan Glavni sudija plus Vrhovni sudija takmičenja.
- Komesara -Sekretara / Tajnika imenuje TK SRS BiH
- Sektorske sudije 3 ili 5 imenuje TK SRS BiH na prijedlog sudijskih komisija entitetskih saveza .
- Startne sudije osigurava domaćin zavisno od broja prijavljenih takmičara.
- Potrebna adiministracija vodi se u principu na računalu ,a ako to nije slučaj dnevnike, startne liste osigurava SRS BiH u suradnji sa domaćinom takmičenja a Komesar lige ih je dužan donijeti na Takmičarski stazu, kao i obračunate poslati u roku od 7 dana po završetku takmičenja..
- Delegat i Glavnii sudija također su obvezni napisati svoje izvještaje na kraju takmičenja, predati Komesaru lige, koji ih dostavlja u Kancelariju SRS BiH u roku od 5 dana po završetku takmičenja.
- Komesar lige po završetku takmičenja dužan je poslati kraći Izvještaj sa fotografijama adiministratoru WEB SITE SRS BiH, radi promocije lige, takmičara i uspjeha koji su postigli.

Član 41.

SUDIJSKI KOLEGIJ ČINE:

- Delegat takmičenja
- Glavni sudija
- Sektorske sudije
- Komesar - Sekretar/Tajnik takmičenja

Sudijski kolegij se sastaje po potrebi radi dogovora i striktnog provođenja pravila, te usaglašavanja kriterija suđenja.

Član 42.

ŽIRI TAKMIČENJA

Žiri takmičenja čine:

- Delegat takmičenja,
- Glavni sudija,
- Komesar - Sekretar /Tajnik takmičenja,
- Sektorski sudac prvog sektora,
- Sektorski sudija trećeg sektora,
- Ljekar fizijatar ili Ljekar specijalista sportske medicine (samo u prvom kolu Premijer i Prve lige radi provjere invaliditeta i dodjeljenih „Hendikep“ bodova).

Član 43.

Članovi žirija moraju biti vidno označeni - imati akreditacije i moraju biti predstavljeni na početku takmičenja od strane vrhovnog sudije takmičenja. Mjesto gdje se nalazi jedan ili više članova žirija mora biti vidno označeno.

Član 44.

Žalbe žiriju mogu biti izrečene usmeno, ali se moraju dostaviti Žiriju u pismenoj formi najkasnije 30 minuta po završetku takmičenja.

Član 45.

Svako kršenje takmičarskih pravila, žalbe na klasifikaciju takmičara mora se prijaviti žiriju, koji je ujedno jedini zvanični autoritet, sa stvarnom vlašću koja može izvršiti diskvalifikaciju takmičara ili ekipe. Takmičar koji je predmet rasprave ili kazne o tome mora biti obaviješten, prije donošenja odluke a i o rezultatima zasjedanja po njegovoj disciplinskoj odgovornosti.

Član 46.

Svi članovi žirija i svi Glavni pomagači moraju se uvjeriti da se Pravila poštuju i moraju pokazati perfektno poznavanje njihove primjene, te u svakom trenutku insistirati na njihovoj primjeni.

Član 47.

Žiri svoje odluke donosi većinom glasova, a u slučaju neodlučnog glasanja, presudnu ulogu uvijek u donošenju konačne odluke ima glas Delegata takmičenja.

Član 48.

Prigovori žiriju se najavljuju 15 minuta nakon objavljivanja rezultata, a pismena reklamacija se dostavlja za narednih 20 minuta uz uplatu 50 KM kaucije kod Sekretara/Tajnika takmičenja, koja će biti vraćena ako se utvrdi da je prigovor bio opravdan, u protivnom kaucija se uplaćuje u blagajnu SRS BiH.

Član 49.

Kada istekne vrijeme predviđeno za prigovore, na zvaničnom mjestu (oglasnoj ploči) objavljuju se zvanični rezultati takmičenja potpisani od strane Glavnog sudije, Delegata i sekretara / tajnika takmičenja. Izuzetno pravo na reklamaciju na težinu ulova i plasman imaju učesnici u slučaju da se

naknadno ustanovi pogrešno upisivanje, zbrajanje i obračun rezultata i to kada god se to ustanovi. Greške takve vrste se moraju ispraviti čak i kada to znači da priznanja moraju drugačije biti dodijeljena.

KOMESAR LIGE

Član 50.

Komesar takmičenja je sudija ujedno i sekretar takmičenja, službena osoba na takmičenju, odgovorna na takmičenju Delegatu takmičenja i Glavnom sudiji, a u svim drugim prilikama TK SRS BiH.

Član 51.

U pripremama takmičenja i poslije takmičenja zadaci komesara takmičenja su slijedeći:

- Priprema satnicu takmičenja zajedno sa domaćinom i objavljuje u službenim glasilima SRS BiH
- Priprema i objavljuje spiskove takmičara i ekipa za lige za koje je zadužen, objavljuje podatke o prijavama, odustajanjima sa takmičenja, poziva eventualne zamjene ekipa i takmičara, vodi dnevnik takmičenja i iste dostavlja Takmičarskoj i Sudijskoj komisiji SRS BiH.
- Ustroj lige koju vodi mora izvršiti najkasnije 15 aprila tekuće godine.
- Vršiti promjene termina takmičenja ili eventualnu odgodu takmičenja za ligu koju vodi uz konsultaciju sa TK SRS BiH i o tome putem WEB SITE ili telefonski obavještava takmičare ili ekipe
- Vršiti provjeru podataka za lige iz članova 10, 11. i 15 ovog Pravilnika vrše Komesar lige i isti su dužni da objave Poziv takmičarima i društvima da se prijave za takmičenja u tekućoj godini izvrše registraciju, potvrde to pismeno Komesaru lige, a isti objavi podatke na WEB SITE najkasnije do 15. aprila tekuće godine.

Spiskovi treba da sadrže tačna imena takmičara, ekipa, tko ima pravo nastupa, tko su zamjene u ligi, te kontakt podatke, u slučaju odustajanja nekog takmičara ili takmičarke.

- Potrebna administracija vodi se u principu na računalu, a ako to nije slučaj dnevnike, startne liste osigurava SRS BiH u suradnji sa domaćinom takmičenja a Komesar lige ih je dužan donijeti na Takmičarski stazu, kao i obračunate poslati u roku od 7 dana po završetku takmičenja.
- Komesar lige po završetku takmičenja dužan je poslati kraći Izvještaj sa fotografijama administratoru WEB SITE SRS BiH, radi promocije lige, takmičara i uspjeha koji su postigli.
- Uz izvještaje Komesar lige/ sekretar je dužan dostaviti i original Dnevnike takmičenja TK SRS BiH u roku od 7 dana po završetku takmičenja.

-Da učestvuje u izradi Kalendara takmičenja do njegovog donošenja, te obavještava TK SRS BiH o eventualnim zahtjevima za izmjenu u toku takmičenja, koji su nastali po zahtjevu ekipa ili takmičara, te drugih okolnosti koje zahtijevaju odgodu nekog takmičenja ili promjenu termina.

Član 52.

Svi takmičari i ekipe članovi Premijer lige BiH(pojedinačno) i Prve lige BiH(ekipno)te ekipe učesnice KUP-a BiH (ekipno takmičenje) dužni su poslati svoju prijavu organizatoru i Komesaru /sekretaru takmičenja), radi utvrđivanja preliminarne liste takmičara i ekipa. Rok za dostavu ove prijave je 30 dana prije održavanja takmičenja. Na sam dan takmičenja također ekipe trebaju dostaviti propisanu prijavu i eventualne izmjene u ekipama i predati je Komesaru/ sekretaru takmičenja radi pripreme žrijeba za takmičenje

Član 53.

Komesar/sekretar takmičenja prijavne listove dostavlja Delegatu takmičenja koji provjerava tačnost istih utvrđuje identitet takmičara i odobrava istim pristup na takmičenje tog dana. Vršiti se provjera takmičarskih podataka iz Takmičarske knjižice, te provjera dokumentacije za utvrđivanje hendikep bodova svakog takmičara ponaosob.

7) SUĐENJE NA TAKMIČENJU

Član 54.

Suđenje na sportsko ribolovnom takmičenju je skup radnji koje su dužne obaviti sudije, saglasno odredbama ovog pravilnika. Glavni sudija pravi raspored sudija na dužnosti adekvatno njihovim sudijskim zvanjima i sposobnostima. Kada je utvrđen raspored sudije se upućuju prema mjestima izvršenja zadatka i saglasno satnici takmičenja izvršavaju što im po terminima – satnici predstoji.

Član 55.

Suđenje na takmičenju organizira Glavni sudija, tako da za svakog takmičara postavlja jednog startnog sudca (ako su startnesudije planirane i angažovane), a za svaki sektor po jednog sektorskog sudca i 3 sudije za mjerenje ulova u svakom sektoru.

Minimalan broj sudija na takmičenju je: (Delegat, Vrhovni sudija, Komesar / Sekretar i eventualno Glavni sudija po kategoriji, te na svaki sektor po jedan sektorski sudija na max. 8 takmičara, preko 8 takmičara 2 sudija, preko 16 takmičara 3 sudija itd. Plus dvojica sudija na vagi i ostalim poslovima s tim da u tom slučaju da Delegat i Glavni sudija ulaze u ekipu za vaganje.

Član 56.

STARTNE sudije su već na startnom broju prije izlaska takmičara na stazu i očekuju takmičara, koji je po žrijebu dobio to mjesto. Kad takmičar sa opremom i priborom dođe do startnog mjesta, sudija provjerava indentitet takmičara (putem takmičarske knjižice i lične karte) i zajedno čekaju **PRVI SIGNAL**., nakon koga će startni sudija dozvoliti takmičaru i pomoćniku ulazak u boks, čime praktično počinje priprema za takmičenje. Takmičar obavlja pripremu saglasno članu 25. ovog pravilnika, a startni sudija prati njegov rad i upozorava ga na eventualno nedozvoljene radnje.

Nakon **DRUGOG SIGNALA** sektorski i startni sudija vrše provjeru mamaca i prihrane.

Nakon **TREĆEG SIGNALA** startni sudija prati bacanje kugli u zonu lova i skreće pažnju na lijevu i desnu granicu startnog mjesta. Na kraju obilnog hranjenja upozorava takmičara da mora izbaciti sve velike kugle jer ih tokom takmičenja neće moći koristiti.

Na **ČETVRTI SIGNAL** koji označava početak takmičenja startni sudija zauzima poziciju s koje će moći imati dobar pogled na rad takmičara, njegovu mrežu čuvaricu i posudu u kojoj se nalazi primama. U koliko tokom takmičenja dođe do bilo kog prekršaja skreće pažnju takmičaru a sektorskog sudiju informiše kako bi poduzeo eventualne sankcije. U slučaju **FISH AUTA** poziva sektorskog sudiju da zajedno utvrde njegovo postojanje. Svojim primjedbama ne smije dekoncentrisati takmičara niti susjedne takmičare.

Nakon **PETOG SIGNALA** daje na znanje takmičaru da je ostalo još 5 minuta do kraja takmičenja, Do kraja prati radnje takmičara.

Na **ŠESTI SIGNAL** će objaviti završetak takmičenja i posebnu pažnju obratiti na mrežu čuvaricu sve do vaganja ulova, ponovnog vraćanja ribe u čuvaricu, odnosno objave sektorskog sudije da nema primjedbi na vaganje i da je moguće ulovljenu ribu pustiti iz čuvarica u vodu. Za vrijeme vaganja startni sudija ne napušta startno mjesto sve do puštanja ribe u vodu.

Član 57.

GLAVNI SUDIJA određuje broj **SEKTORSKIH SUDIJA**, (koliko ih je potrebno) sa zadatkom da organizuju i prate rad startnih sudija u svom sektoru. U koliko nisu imenovane startne sudije onda sektorski sudija obavlja sve zadatke u svom sektoru., s tim da prati najviše 5 takmičara, što znači da u slučaju većeg broja takmičara u sektoru imenuje još jednog ili više sektorskih sudija. Inače sektorski sudija svoj zadatak obavlja isključivo u sektoru za koji je imenovan.

Član 58.

Sa održanog takmičenja SRS BiH Delegat i Glavni sudija su dužni u roku od 7 dana dostaviti Izvještaj o održanom takmičenju na propisanim obrascima i ukupni plasman Lige ako se radi o zadnjem kolu lige. Uz izvještaje Komesar lige/ sekretar je dužan dostaviti komplet originalne Dnevnike takmičenja, sa svim ocjenama sudaca TK SRS BiH u roku od 7(sedam) dana po završetku takmičenja.

Kod ocjene rada sudaca, više rangirani sudac, dodjeljuje ocjenu niže rangiranom sudcu, koju:

-Umanjuje za jedan bod radi toga, ako sudac nema kod sebe Pravilnik te discipline.

-Za dva boda kod nedoličnog ponašanja sudca, prema nekom od učesnika SRT, što povlači suspenziju od suđenja do kraja tekuće sezone, i

-Sve niže ocjene od 3 (trojka) povlače suspenziju od suđenja na jednu godinu i pokretanje disciplinskog postupka kod prvostupanjskog organa, po Pravilniku o disciplinskoj odgovornosti.

Član 59.

Sudijama pripadaju naknade za obavljeno suđenje na takmičenju i to:

- Sudijska taksa koju utvrđuje Upravni odbor SRS BiH za svaku godinu svojom odlukom,
- Dnevica prema Pravilniku o isplati putnih dnevnica u SRS BiH,

Troškovi prijevoza i noćenja za sudije van mjesta održavanja takmičenja, saglasno Pravilniku o isplatama za prijevoz i noćenja u SRS BiH,

Član 60.

Sudije koje su iz mjesta u kome se održava takmičenje imaju pravo na slijedeće naknade:

- Sudijsku taksu (kao u čl. 64.),
- ½ dnevnice (kao u čl. 64.),
- Putne troškove od kuće do mjesta takmičenja.

Vrsti i visinu ovih naknada za svaku godinu svojom Odlukom propisuje Upravni odbor SRS BiH.

MJERE U SLUČAJU VREMENSKIH NEPOGODA

Član 61.

a) KADA NEVRIJEME POČNE PRIJE ILI ZA VRIJEME PRIPREMA ZA TAKMIČENJE

U vrijeme nevremena, niti jedan takmičar ne smije zauzeti svoje startno mjesto i pripremati svoju opremu; signalom će se označiti odgađanje pristupa na startna mjesta ili prekida priprema. Ako to dopuste vremenske prilike i ako se uklapa u satnicu, takmičenje se može normalno odvijati ili se može skratiti (u svakom slučaju, mora trajati najmanje 2 sata). Ako se vremenski uvjeti ne poboljšaju ili se to više ne uklapa u satnicu, cijeli se krug-dan takmičenja mora poništiti. Otkazani krug-kolo se više neće razmatrati. Rang lista će se izraditi uzimajući u obzir otkazao kolo ili dan.

b) KADA NEVRIJEME POČNE ZA VRIJEME TAKMIČENJA

Posebnim signalom, organizator će trenutno prekinuti takmičenje i svi takmičari moraju potražiti zaklon i odložiti štapove. Ako to dopuste vremenski uslovi, takmičenje će se nastaviti nakon signala kojim je dopušten povratak takmičarima na njihova startna mjesta.

Signal nakon toga, 5 minuta kasnije, dozvoljava takmičarima nastavak lova ribe.

Trajanje tog dana takmičenja može se skratiti, ako zbog satnice takmičenje ne može trajati sva i 3 sata. Takmičenje koje je prekinuto i ne postoje uslovi za njegovo nastavljanje priznat će se ako je proteklo 2 sata od početka do prekida takmičenja.

Član 62.

ANTIDOPING KONTROLA

SRS BiH se pridržava svjetskih pravila o anti-dopingu koje propisuje CIPS i Olimpijski komitet BiH. Povodom prvenstva (Tokom prvenstva), takmičari se pozivaju na antidoping kontrolu kojoj obavezno moraju prisustvovati sa utvrđenim krajnjim rokovima, u skladu sa i Žirijskim direktivama.

Pozvani takmičar, koji se ne odazove pozivu za kontrolu, bit će diskvalifikovan iz daljeg takmičenja i kažnjen. SRS BiH organizator prvenstva će snositi troškove antidoping kontrole, ako je ista predviđena u skladu sa instrukcijama, koje je na takmičenju dao Delegat takmičenja..

Ako nije predviđena anti-doping kontrola takmičara, a Delegat ili Glavni sudija utvrde da netko od takmičara, vođa ekipa, ili službenih osoba, prije i za vrijeme takmičenja konzumira alkohol, dužni su takvom takmičaru zabraniti takmičenje ili ga u toku samog takmičenja isključiti sa istog i to evidentirati u Izvještaju sa takmičenja.

8) OBRAČUN REZULTATA NA TAKMIČENJU

Član 63.

Sektorski sudija je dužan nakon vaganja da startne liste u najkraće mogućem roku prethodno propisno potpisane od strane sudija i takmičara hitno dostavi sekretaru/Komesaru takmičenja .

Član 64.

Ocjenjivanje rezultata vrši se tako da se 1 gram težine ulovljene ribe ocjenjuje se jednim poenom. Kod pojedinačnih takmičenja u okviru Premijer lige u dva ili više kola, pobjednika određuje najmanji zbir sektorskih plasmana za tog takmičara.

Kod pojedinačnih takmičenja u jednom danu više osvojenih poena osigurava bolji plasman. U slučaju jednakog broja poena dva ili više takmičara, takmičari dijele mjesto, s tim da veći startni broj ima pravo na nagradu (predpostavlja se kao da su svi takmičari u jednom sektoru).

Kod ekipnog takmičenja za svaki se sektor posebno vrši obračun pojedinačnih sektorskih plasmana. Manji zbir sektorskih plasmana članova ekipe određuje bolji plasman te ekipe na tom takmičenju. (najmanji zbir daje pobjednika).

Za Prvu ligu koja se organizuje u više kola zbir sektorskih plasmana iz svih kola određuju pobjednika prema uslovima iz prethodnog stava.

Ako dvije ili više ekipa imaju isti zbir sektorskih plasmana, bolju ekipu određuje kriterij prema slijedećem redoslijedu:

- Ukupno veća težina ulovljene ribe (zbir poena svih takmičara ekipe) i
- Veća pojedinačna postignuta težina ulova

Ako je takmičenje ujedno ekipno i pojedinačno onda se za pojedince utvrđuju plasmani u svakom sektoru takmičenja, odnosno ukupnoj konkurenciji.

Kod ekipnog takmičenja (u PRVOJ LIGI) u dva kola subota / nedjelja i takmičenja u više kola lige, pobjednik je ekipa sa najmanjim zbirom sektorskih plasmana iz svih kola lige. U slučaju istog zbira važe kriteriji ekipnog takmičenja. Takmičari koji su nastupili samo u jednom kolu (to jest ako je ekipa ubacila rezervu) boduju se u pojedinačnom plasmanu za dan kada nisu nastupili kao da su bili posljednji u punom sektoru „A“ (tako zbirom dobivaju svoj plasman, samo kada se to proglašava).

Član 65.

Takmičari koji su u sektoru postigli istu težinu ulovljene ribe, dobivaju prosjek njihovih plasmana, s tim da prednost kod dodjele priznanja ima veći startni broj.

PRIMJER: 1. Dva takmičara na 7. mjestu dobivaju:

$$7+8=15:2 = 7,5 \text{ poena za plasman}$$

2. Tri takmičara na 9. mjestu dobivaju:

$$9+10+11=30:3 =10 \text{ poena za plasman}$$

Takmičari koji u sektoru ništa ne ulove to jest ostvare 0 (nula) poena ulova dobivaju prosjek poena neraspoređenih plasmana u sektoru. Odnosno ako u sektoru samo jedan takmičar ostvari 0(nula) poena ulova, dobiva onoliko poena (plasman) koliko odgovara zadnjem mjestu.

PRIMJER: 1. Od 29 takmičara 14 ih je plasirano prema poenima iz lova od 1-14,

ostalih 15 sa 0 poena dobivaju $15+29=44:2 = 22$ poena za plasman

2. Od 29. takmičara 5 ih je plasirano prema poenima ulova 1-5, a

ostalih 24 sa 0 poena dobivaju: $6+29=35:2 =17, 5$ poena za plasman.

3. Od 29. takmičara 26 ih je plasirano prema poenima iz ulova od 1- 26

ostalih 3 sa 0 poena ulova dobivaju $27+29=56:2 = 28$ poena za plasman

4. Od 29 takmičara 28 ih je plasirano prema poenima iz ulova od 1-28 jedan takmičar je sa 0 poena, dobiva 29 poena za plasman

Član 66.

U slučaju ekipnog takmičenja u dva ili više kola kada ekipa ima pravo zamijeniti jednog ili više članova Isto to može uraditi samo za takmičara koji je prijavljen na početku takmičenja da će se takmičiti u Prvoj ligi SRS BiH, a mora biti registrovan za tu ekipu kod SRS BiH. U toku jedne takmičarske sezone Takmičar se može takmičiti samo za jednu ekipu i biti registrovan samo za jednu ekipu. Za ekipu se ne može takmičiti član za koga nije uplaćena kotizacija i ovjerena takmičarska knjižica za tekuću godinu.

9) KAZNE NA TAKMIČENJU

Član 67.

ŽUTI KARTON (opomena) sudac uručuje takmičaru i drugim učesnicima ako se ne pridržava općih pravila takmičenja:

- Ako gazi po vodi za vrijeme takmičenja,
- Ne poštuje signale, pruža ili prima nedozvoljenu pomoć, oštećuje ribu na vaganju, namjerno baca višak hrane u vodu, hrani i lovi u tuđoj zoni, ulazi u startno mjesto drugih takmičara,
- Ako svojim ponašanjem ometa lov drugih takmičara,
- Ako verbalno vrijeđa službene osobe,
- Ako koristi nedozvoljeni pribor,
- Ako stvara nepotrebnu buku na stazi, galami itd.

U tijeku takmičarske sezone, žuti kartoni se akumuliraju, što znači da takmičar, koji dobije drugi žuti karton, slijedeće kolo lige ne lovi, a bodovi mu se obračunavaju po Članu 70. Stav 3. ovog Pravilnika.

Primjer: takmičenje se provodi u 6 kola, na prvom i drugom kolu takmičar dobije po jedan žuti karton. Kažnjava se sa ne nastupanjem u trećem kolu i nastavlja sa takmičenjem u slijedećem kolu. Ova dva dobivena žuta kartona se ne uvode kao dobiveni crveni karton.

Član 68.

CRVENI KARTON (diskvalifikacija) daje se za ponavljanje bilo kog prekršaja iz Članka 65 ovog pravilnika i za:

- Ako lovi ribu sa zabranjenim priborom, mamcima i načinom lova,
- Ako nema čuvaricu i ribu stavlja u kese ili slično,
- Ako za vrijeme takmičenja konzumira alkohol ili neka opojna sredstva,
- Ako vrijeđa službene osobe i predstavnike domaćina ili izazove fizički obraču,
- Ako napravi prekršaj , a već na istom takmičenju ima žuti karton. Crveni karton znači da obavezno gubi pravo nastupa u narednom kolu, mora dati izjavu Delegatu takmičenja i biti će podvrgnut sankcijama po Pravilniku o disciplinskoj (stegovnoj) odgovornosti, koji je donio Upravni odbor SRS BiH.

Član 69.

Sudijski kolegij verifikuje dodjeljene žute kartone, a žiri takmičenja verifikuje date crvene kartone. Glavni sudija i Delegat moraju u svom izvještaju obvezno navesti uzroke dodjele žutih i crvenih kartona, te uzeti izjavu takmičara kome su dodijeljene kazne. Ako takmičar ili bilo koji učesnik takmičenja kome je dodijeljen crveni karton ne želi dati izjavu, to se konstatira u izvještaju delegata takmičenja i Glavnog sudije i uzima mu se kao otežavajuća okolnost u postupku i izricanau mjere o disciplinskoj odgovornosti bilo kog učesnika takmičenja.

Član 70.

-Takmičar koji je kažnjen isključenjem sa takmičenja (crveni karton) ostaje bez plasmana, odnosno tretira se kao da nije nastupio na tom takmičenju i dobija +1 poen iza posljednjeg takmičara u punom sektoru „A“, dok ostali članovi ekipe ostvaruju plasman na osnovu postignutog rezultata.

-U slučaju da diskvalifikacija takmičara uslijedi nakon obračuna plasmana, slijedeći plasirani takmičari zadržavaju svoj plasman (primjer X plasiran na 8 mjestu je diskvalifikovan, slijedeći plasirani takmičar zadržava svoj plasman i dobiva 9 poena, slijedeći 10 poena itd.

-Kod pojedinačnog takmičenja u okviru PREMIJER LIGE takmičaru koji nije nastupio drugi dan (ili u nekom od kola lige, ili dva žuta kartona) obračunava se rezultat +1 poen iza posljednjeg u punom sektoru „A“, odnosno na posljednjem je mjestu ukupnog broja takmičara.

Član 71.

Takmičar koji neopravdano napusti PREMIJER LIGU ili ekipa koja napusti PRVU LIGU u toku takmičenja, kaznit će se zabranom takmičenja od 2 godine na svim zvaničnim takmičenjima koje organizira SRS BiH, a ako se radi o reprezentativcu zabrana važi za nastup u Reprezentaciji od 1 godinu dana. Postupak pokreće Komesar lige ili Takmičarska komisija.

Član 72.

Zbog težih povreda ovog Pravilnika, nacionalističkih i drugih ispada : pojedinaca, takmičara , vođa ekipa, trenera i drugih učesnika takmičenja, svi prekršioc, kaznit će se zabranom nastupanja na zvaničnim takmičenjima u trajanju od 1-2 godine ili trajnom zabranom nastupa na takmičenjima koje organizira SRS BiH. Pokretanje postupka vrši Delegat takmičenja kroz svoj Izvještaj o održanom takmičenju u kom konstatira povrede odredbi ovog Pravilnika i traži u skladu sa Pravilnikom o disciplinskoj odgovornosti učesnika takmičenja , sankcionisanje svih koji su povrijedili ovaj pravilnik.

Član 73.

Na izrečene kazne koje je izrekla Takmičarska komisija u prvostepenom postupku, kažnjeni pojedinci ili ekipe imaju pravo žalbe Upravnom odboru kao drugostepenom organu, u skladu s Pravilnikom o disciplinskoj odgovornosti. Odluka Upravnog odbora SRS BiH je konačna.

10) PROGLAŠAVANJE I OBJAVA REZULTATA

Član 74.

Vrijeme objavljivanja rezultata mora biti naznačeno u satnici takmičenja ili na drugom mjestu na stazi, mjestu sastanka i rada Komesara lige ili slično, a kad takmičenja traje dva ili više dana-kola, rezultati svakog dana moraju biti objavljeni svim učesnicima najkasnije 2 sata po završenom vaganju.

Član 75.

Po završetku takmičenja, najkasnije u roku od 3 sata obavlja se svečano proglašenje rezultata, ako su održana dva kola, na kraju drugog dana. Nakon održanog zadnjeg kola takmičenja u kalendarskoj godini , domaćin takmičenja sa predstavnicima Saveza, uručuje priznanja SRS BIH .

To su medalje za tri prvoplasirana pojedinca. Pobjednik, pojedinac, dobiva pehar na kome je ugraviran tekst:

» Šampion BIH u ULOVU RIBE za 200 __godinu i pobjednik PREMIJER LIGE SRS BiH«

Kategorija - invalidna lica

Na kraju takmičenja u PRVOJ ligi vrši se proglašenje rezultata za sva kola , a pobjednik lige dobija naziv

„EKIPNI PRVAK SRS BIH za GODINU 20__ „

Kategorija - invalidna lica

11) FORMIRANJE REPREZENTACIJE SRS BiH

Član 76.

Reprezentacija SRS BiH u „ULOVU RIBE UDICOM NA PLOVAK“ za invalidne osobe predstavlja BiH na svjetskim i evropskim takmičenjima, a čine je čine 5 takmičara iz PREMIJER LIGE SRS BiH izabranih od strane selektora i trenera iz sastava 4 prvoplasirana + 1 rezerve.

Ekipa reprezentacije i takmičari u reprezentaciji moraju imati potreban broj hendikep bodova.

Prva 3 takmičara u Premijer ligi (pojedinačnoj) stiču automatski plasman u reprezentaciju, a ostale bira Selektor reprezentacije, od takmičara koji su te sezone bili u sustavu takmičenja Premijer lige.

Tko lovi prvi dan na međunarodnom takmičenju, određuje, nakon treninga, selektor reprezentacije.

Član 77.

Reprezentacija se formira, oprema, priprema i upućuje na evropska, svjetska prvenstva i druga međunarodna takmičenja suglasno Pravilniku o reprezentativnim selekcijama SRS BiH. Odluku o odlasku reprezentacije na međunarodna takmičenja donosi Upravni odbor SRS BiH na prijedlog Takmičarske komisije.

Član 78.

Za nastupe na međunarodnim takmičenjima ekipe u ovoj kategoriji takmičara imaju pravo uzeti pojačanje iz drugih klubova do 2 člana po svom izboru.

12) PRELAZNE I ZAVRŠNE ODREDBE

Član 79.

Kalendar Sportsko ribolovnih takmičenja za tekuću sezonu, se objavljuje najkasnije do kraja februara- veljače na prijedlog Takmičarske komisije, Odlukom UO SRS BIH.

Član 80.

Svim sudijama i ostalim učesnicima takmičenja sekretar SRS BIH dužan je dostaviti u pismenoj ili elektronskoj formi ,kalendare takmičenja odmah po usvajanju od strane Upravnog odbora i iste objaviti na WEB SITE SRS BIH.

Član 81.

Sekretar Sudijske komisije dužan je u roku od 7 dana nakon sastanka i delegiranja sudaca po utvrđenom Kalendaru takmičenja, svim sudijama, delegatima takmičenja i komesarima dostaviti Odluku o delegiranju za takmičenje, u kojoj će precizno biti naznačeni zadaci i obaveze koje ima delegirana osoba i termini do kada treba da potvrdi svoje učešće ,na takmičenju za koje je delegiran, kako bi u slučaju odustajanja, mogla da se izvrši zamjena.

Član 82.

U slučaju da Komesar lige, selektor, menadžer ili Upravni odbor, obezbjedi sponzora lige, svi takmičari su dužni nositi reklame sponzora u cilju promocije istog i na taj način obezbijediti određena sredstava za rad lige.

Član 83.

Sastavni dio ovog Pravilnika je neophodni unificirani dokumenti:

- Prijavni list pojedinacaPLP-02
- Ekipni prijavni list.....IUL-002
- Redoslijed izvlačenjaREI-04
- Sektorski dnevnik ulovaSDT-05
- Dnevnik takmičenja pojedinačno.....DTP-06
- Instrukcije i uputstva za partnera IUL - 003
- Tabela dozvoljenih radnji pomoćnika takmičar IUL - 004
- Dnevnik takmičenja za 2 kolaDTP-08
- Dnevnik takmičenja za 4 kola takmičenjaZDT-11
- FINALNI ZBIRNI PLASMAN za objavu.....FPL-14
- Obrazac Izvještaj delegata takmičenja DIT-01
- Obrazac Izvještaj Vrhovnog sudijeSIT -01

Za rezultate koji nisu pisani na propisanim obrascima odgovornost snosi Delegat takmičenja osim ako se takmičenje vodi na računalu i tada se moraju sačuvati svi podaci kao i obrasci, te dostaviti na disketi ili pisanom obliku u SRS BiH.

Član 84.

Prilikom održavanja takmičenja Delegat, sve sudije i sekretar - Komesar takmičenja moraju kod sebe imati ovaj Pravilnik i dužni su ga na zahtjev vođa ekipa, žirija istima predočiti radi, eventualno razjašnjavanja nekih odredbi koje su se tijekom takmičenja pojavile kao sporne.

Član 85.

Pravilnik stupa na snagu danom donošenja a njegovim donošenjem prestaju da važe odredbe Pravilnika donesenog 03.03.2012. godine. Pravilnik će biti u roku od 7 dana objavljen u službenim glasilima SRS BiH (Bilten TK, WEB PORTAL- SRS BiH) i moći će se preuzeti u Download zoni.

Pravo za pokretanje izmjena i dopuna Pravila imaju svi učesnici SRT: Takmičari, sudije, Delegati, Komesari, selektori i vođe ekipa koji svoj prijedlog Upravnom odboru dostavljaju putem Takmičarske komisije SRS BIH.

Član 86.

Tumačenje Pravilnika vrši Takmičarska komisija, a izmjene i dopune Pravilnika na prijedlog TK-e vrši Upravni odbor SRS BiH.

Član 87.

Za međunarodna takmičenja čiji je domaćin SRS BiH, važe isključivo odredbe Pravila FIPS-ed i Dodatna pravila koja će za svako konkretno takmičenje propisati SRS BiH, putem TK SRS BiH i Organizacionog odbora prvenstva.

Član 88.

Premijer Liga može imati svoj specifični LOGO znak koji se mora upotrebljavati sa Logo znakom SRS BiH na svim zvaničnim dokumentima

Član 89.

Ovaj Pravilnik stupa na snagu danom donošenja objavliti na WEB portalu SRS BiH u roku od 7 (sedam) dana. Donošenjem ovog Pravilnika prestaju da važe odredbe Pravilnika o SRT sa posebnim potrebama-invalidne osobe, donesenog 2011 godine.

Sarajevo, 15.02.2014. g.
Broj: 01-073/14.

PREDSJEDNIK UO SRS BIH
Đorđe Klepić

